



Hvalfjarðarsveit, 29. maí 2019.

Glacier Fish ehf.  
Ásbjörn Óttarsson  
netf: nesverm@simnet.is

Heilbrigðisnefnd gefur út starfsleyfi fyrir fiskvinnslufyrirtæki sem byggir á grunni laga nr. 7/1998 um hollustuhætti og mengunarvarnir og reglugerð nr. 550/2018 um losun frá atvinnurekstri og mengunarvarnaeftirlit.

Samkvæmt 6. gr. reglugerðarinnar skal útgefandi starfsleyfis vinna tillögur að starfsleyfi og auglýsa opinberlega á vefsíðu sinni hvers efnis þær eru og hvar megi nálgast þær. Heimilt er að gera skriflegar athugasemdir við tillögur útgefanda starfsleyfis innan fjögurra vikna frá auglýsingu.

Útgefandi starfsleyfis skal innan fjögurra vikna frá því að frestur til að gera athugasemdir við tillögur að starfsleyfi rann út taka ákvörðun um útgáfu starfsleyfis. Skal umsækjanda um starfsleyfi og þeim sem hafa gert athugasemdir tilkynnt um afgreiðsluna.

Meðfylgjandi er tillaga að starfsleyfi fyrir Glacier Fish ehf. ásamt greinargerð um framleiðsluna. Tillagan verður sett inn á heimasíðu Heilbrigðiseftirlits Vesturlands, [www.hvl.is](http://www.hvl.is), þar sem gefnar verða 4 vikur til að gera athugasemdir.

Þeir sem geta gert athugasemdir eru stofnanir og einstaklingar sem gætu átt hagsmuna að gæta.

Þá hefur umsækjandi rétt til að gera athugasemdir innan sama frests.


Virðingarfyllt.

---

framkv.stj. heilbrigðiseftirlits



Heilbrigðiseftirlit  
Vesturlands



# Starfsleyfi

**Rekstur:** Frysting á makríl til beitu

**Nafn fyrirtækis:** Glacier Fish ehf.

**Heimilisfang:** Bankastræti 1

**Póstnúmer:** 355 Ólafsvík

**Kennitala:** 510419-0220

**Sími:** 8932395

**Netf:** nesverm@simnet.is

**Fullt nafn leyfishafa:** Ásbjörn Óttarsson f.h. Glacier Fish ehf.

**Útgáfudagur leyfis:** júní 2019

**Gildir til:** júní 2031

Fyrirtækið skal hlíta ákvæðum laga nr. 7/1998 um hollustuhætti og mengunarvarnir, reglugerðar nr. 550/2018 um losun frá atvinnurekstri og mengunarvarnaeftirlit, reglugerðar nr. 737/2003 um meðhöndlun úrgangs, reglugerðar nr. 884/2017 um varnir gegn olíumengun frá starfsemi í landi, reglugerðar um hollustuhætti nr. 941/2002 og öðrum reglugerðum sem gilda um starfsemina á hverjum tíma og skilyrðum á fylgiskjali með leyfi þessu.

Um starfsumhverfi og öryggi starfsmanna fer samkvæmt lögum nr. 46/1980 um aðbúnað, hollustuhætti og öryggi á vinnustöðum.

Fyrirhugaðar meiri háttar breytingar á húsnæði, framleiðslu eða rekstri skulu gerðar í samráði við Heilbrigðiseftirlit Vesturlands. Starfsleyfið skal endurskoða að jafnaði á fjögurra ára fresti. Ef fyrirtækið flytur eða eigandaskipti verða, fellur starfsleyfið úr gildi. Framsal starfsleyfis er óheimilt.

Leyfið er útgefið samkvæmt ákvæðum laga nr. 7/1998 og reglugerðar nr. 550/2018.

Hvalfjarðarsveit, júní 2019

# Fylgiskjal

## með starfsleyfi fyrir Glacier Fish ehf.

Heilbrigðisnefnd Vesturlands veitir Glacier Fish ehf., kt. 510419-0220, hér með starfsleyfi til að reka fiskvinnslu að Bankastræti 1 í Ólafsvík  
Forsvarsmaður starfseminnar er Ásbjörn Óttarsson.

### 1. Um starfsleyfið

- Gildistími starfsleyfisins er 12 ár frá útgáfudegi. Starfsleyfið skal endurskoða að jafnaði á fjögurra ára fresti og einnig ef:
  - breytingar verða á eignarhaldi eða rekstri. Allar meiri háttar breytingar á rekstri skal tilkynna til Heilbrigðiseftirlits Vesturlands með góðum fyrirvara þannig að a.m.k. gefist 4 vikur til að meta þær og hugsanleg áhrif á starfsleyfið.
  - fram koma skaðleg áhrif starfseminnar á umhverfið, meiri mengun af völdum atvinnurekstrarins en búast mátti við eða hætta sem ekki var áður ljós.
  - gerðar eru nýjar kröfur eða breytingar verða á bestu fánlegri tækni sem gildir um reksturinn.
- Starfsleyfið er gefið út af Heilbrigðisnefnd Vesturlands í samræmi við 6. gr. laga nr. 7/1998 um hollustuhætti og mengunarvarnir og 6. gr. reglugerðar nr. 550/2018 um losun frá atvinnurekstri og mengunarvarnaeftirlit.
- Leyfið gildir fyrir frystingu á makríl til beitu vinnslu, allt að 100 tonnum af hráefni á viku.
- Um varnir gegn skaðlegum áhrifum á starfsmenn og starfsumhverfi fer samkvæmt lögum nr. 46/1980 um aðbúnað hollustuhætti og öryggi á vinnustöðum, með síðari breytingum.
- Eintak af starfsleyfinu skal ávallt vera tiltækt í fyrirtækinu og skal kynna öllum starfsmönnum ákvæði þess. Forsvarsmaður fyrirtækisins er ábyrgur fyrir að það starfi samkvæmt því.

### 2. Húsnæði, lóðir, umhverfi og fastur búnaður.

- Fyrirtækið skal halda húsnæði og umhverfi snyrtilegu.
- Lóð fyrirtækisins skal haldið snyrtilegri, plön lögð bundnu slitlagi og geymslusvæði girt af (eftir þörfum).
- Geymsla á óhreinum ílátum undan hráefni eða úrgangi er óheimil utandyra.
- Loftræstingu skal þannig háttað að hún valdi ekki fólki í nærliggjandi húsakynnum eða vegfarendum óþægindum vegna lyktar, mengunar eða hávaða.
- Fyrirtækið skal hafa fullnægjandi búnað, t.d. fastefnaskilju, slógbrunn og fitugildru, til að hindra að föst óhreinindi berist í holræsakerfi bæjarfélagsins. Slíkum búnaði skal komið fyrir bæði við niðurföll á vinnslusvæði og plani þar sem ætla má að lífrænn úrgangur falli til. Sé búnaður ekki hreinsaður með samfelldum hætti skal hreinsa hann daglega eða með öðru viðeigandi millibili. Aðstaða skal vera til að geta mælt frárennsli frá hreinsibúnaði.
- Eftirlit og viðhald með vélum og mengunarvarnabúnaði skal ávallt vera með þeim hætti að ekki eigi sér stað óleyfileg útlosun.

### **3. Starfsemin.**

- 3.1. Allt hráefni og úrgang skal geyma innandyra eða á annan hátt sem heilbrigðisnefnd getur samþykkt.
- 3.2. Úrgang sem til fellur vegna starfseminnar skal flytja burt og endurnýta á viðurkenndan hátt eða farga á urðunarstað sem hefur til þess leyfi.
- 3.3. Hvers konar urðun eða brennsla úrgangs er með öllu óheimil á vegum fyrirtækisins.
- 3.4. Fyrirtækið skal takmarka hávaða frá starfseminni eins og kostur er. Umhverfishávaði skal vera innan þeirra marka sem gert er ráð fyrir í reglugerð nr. 724/2008 um hávaða.

### **4. Verkstæðisaðstaða.**

- 4.1. Mengun í fráveitu:
  - Óheimilt er að losa hættulegan efnaúrgang í fráveitu.
  - Fráveitulagnir frá verkstæðisaðstöðu skulu aðgreindar frá öðrum lögnum. Á þeirri lögnum skal vera gildra til að fanga olíur og önnur efni sem kunna að berast í fráveituvatn.
  - Þar sem fljótandi úrgangur (olíur o.þ.h.) getur lekið á gólf ber að nota efni sem sýgur í sig vökvann (t.d. háma, dúka eða sag).
- 4.2. Sækja þarf um sérstakt leyfi fyrir öllum olíutönkum og hlíta kröfum um umbúnað þeirra.

### **5. Notkun og meðferð hættulegra efna.**

- 5.1. Verði óhapp eða slys við meðhöndlun hættulegra efna s.s. sótthreinsiefna eða spilliefna, þannig að hætta sé á umhverfisskaða eða heilsutjóni almennings, ber tafarlaust að gera nauðsynlegar ráðstafanir til að stöðva leka og forðast umhverfismengun og slys á fólki. Tilkynna skal atvikið til Heilbrigðiseftirlits Vesturlands eins fljótt og auðið er.
- 5.2. Fyrirtækið skal safna öllum spilliefnum sem falla til við starfsemi þess. Óheimilt er að blanda saman mismunandi flokkum spilliefna eða blanda við annan úrgang.
- 5.3. Geyma skal spilliefni og hættuleg úrgangsefni þar sem ekki er hætta á að umbúðir verði fyrir hnjaski.
- 5.4. Spilliefni skal ekki geyma til langframa á umráðasvæði fyrirtækisins. Þeim skal skilað til viðurkenndrar móttökustöðvar.

### **6. Eigið eftirlit.**

Fyrirtækið skal halda dagbók þar sem skráð er jafnóðum:

- 6.1. Magn (kg,l) og gerð hættulegs úrgangs sem skilað hefur verið til móttökustöðvar eða flutningsaðila.
- 6.2. Magn lífræns úrgangs sem fyrirtækið lætur frá sér.

### **7. Helstu lög og reglugerðir sem starfseminnar varða og rekstraraðilar uppfylli:**

- a) Lög um hollustuhætti og mengunarvarnir nr. 7/1998.
- b) Reglugerð nr. 550/2018 um losun frá atvinnurekstri og mengunarvarnaeftirlit.
- c) Reglugerð um meðhöndlun úrgangs nr. 737/2003.
- d) Reglugerð um hollustuhætti nr. 941/2002.
- e) Reglugerð nr. 884/2017 um varnir gegn olíumengun frá starfsemi í landi.
- f) Reglugerð um hávaða nr. 724/2008.

### **8. Starfsemi hætt.**

- 8.1. Tilkynna skal Heilbrigðiseftirliti Vesturlands ef starfsemi fyrirtækisins er lögð niður.
- 8.2. Leggist starfsemi niður skal öllum hættulegum efnaleifum og ónothæfum efnum skilað til móttökustöðvar fyrir hættulegan efnaúrgang.

## **9. Ýmis skilyrði.**

- 9.1. Skytt er að tilkynna öll mengunaróhöpp til Heilbrigðiseftirlits Vesturlands.
- 9.2. Almennigur á rétt á upplýsingum um niðurstöður mengunareftirlits vegna rekstursins hjá eftirlitsaðila. Heilbrigðisnefndarmönnum, heilbrigðisfulltrúum og starfsmönnum Umhverfisstofnunar skal heimill aðgangur að fyrirtækinu til skoðunar og eftirlits.
- 9.3. Forsvarsmönnum fyrirtækisins er skylt að veita þessum aðilum allar upplýsingar sem nauðsynlegar eru vegna eftirlitsins svo og að afhenda sýni endurgjaldslaust.
- 9.4. Fyrirtækinu ber að greiða Heilbrigðiseftirliti Vesturlands gjald vegna útgáfu og kynningu á starfsleyfinu svo og árlegt eftirlitsgjald samkvæmt gjaldskrá Heilbrigðiseftirlits Vesturlands. Ef grípa þarf til sérstakra rannsókna vegna starfseminnar er fyrirtækinu einnig skylt að greiða fyrir þær.

**Hvalfjarðarsveit, júní 2019**

## Greinargerð með starfsleyfi Glacier Fish ehf.

Með umsókn dags. 28. maí 2019 sækir Glacier Fish ehf. um starfsleyfi fyrir fiskvinnslu ú húsnaði við Bankastræti 1 í Ólafsvík.

Þarna var um árabíl rekin fiskvinnsla Fiskiðjunnar Bylgjunar sem hætti rekstri fyrir nokkrum árum.

Nú er ú upphafi aðeins fyrirhugað að vera með frystingu á makríl í beitu í húsnaðinu.

Starfsemin verður aðeins rekin í tvo mánuði á ári þ.e. meðan makrílverktíðin stendur yfir tímabilið júlí-september.

reiknað er með frystingu á allt að 100 tonnum á viku yfir þetta tímabil.

Ekki er reiknað með lífrænum úrgangi við vinnsluna þar sem markíllinn er heilfrystur og ísaður (glasseraður).

Kælikerfi hefur nýlega verið endurnýjað og er einn fastur starfsmaður (vélstjóri) sem sér um viðhald kælikerfisins.

Kælimiðlar sem notaðir eru:

R422 og R404.

Fráveitukef-rfið er tengt tengibrunni neðan við húsið og síðan slóg eða fastefnaskilju til hliðar við húsið.

Athafasvæði utanhúss er með bundnu slitlagi.